

ՄԻ ԷՁ ՀԱՅ-ԲՅՈՒՋԱՆԳԱԿԱՆ ՀԱՐԱԲԵՐՈՒԹՅՈՒՆՆԵՐԻ

ՊԱՏՄՈՒԹՅՈՒՆԻՑ

Վ. Կ. ԻՍԿԱՆՅԱՆ

Հուստինիանոս կայսեր (527—565) օրոք տեղի ունեցած հայերի ապստամբության ճնշումից հետո մի ամբողջ հիսնամյակ Արևմտյան Հայաստանում դադարում են զինված ելույթները բյուզանդական զերիշխանության դեմ:

VI դարի վերջին Արևմտյան Հայաստանում նորից է ծավալվում ազատագրական շարժումը, տեղի են ունենում մի շարք ապստամբություններ, որոնք ընդգրկում են մի ամբողջ տասնամյակ:

Սույն հոդվածը մի փորձ է պատմական այդ նշանավոր զեպրերից առանձին քննարկման առարկա դարձնելու բյուզանդական տիրապետության դեմ Սմբատ Բագրատունու գլխավորությամբ կազմակերպված հայ հեծյալ զնդի և նախարարների ապստամբության պատմությունը, որը հանդիսանում է հայ-բյուզանդական հարաբերությունների հետաքրքրական էջերից մեկը:

Արևմտյան Հայաստանի դրությունն ավելի է վատթարանում Մորիկ (Մավրիկիոս) կայսեր օրոք (582—602), որն առանձին եռանդով զործադրեց Հուստինիանոսի քաղաքականությունը հայերի նկատմամբ: Հայաստանը բյուզանդականացնելու և հայերին հունական տարրի մեջ ձուլելու համար նա առնց է կացնում ռազմական, վարչական ու եկեղեցական մի շարք միջոցառումներ: Մորիկի այդ քաղաքականությունը ավելի բացահայտ ու որոշակի է դառնում 591 թ. կրնդված պարսկա-բյուզանդական պայմանագրից հետո, երբ Հայաստանի պարսկական բաժնի մեծ մասը ևս միացվում է Բյուզանդիային: Դրանից առաջ Հայաստանում անցկացրած նրա միջոցառումների մասին պատմիչների մոտ կան խիստ աղբյուրիկ հիշատակություններ: Մինչդեռ այդ շրջանում էր նախապատրաստվում հայ ազատագրական շարժումը Բյուզանդիայի դեմ, որը կազմակերպում ու ղեկավարում էր Սմբատ Բագրատունին¹: Այդ շարժման նախօրերին Արևմտյան Հայաստանում կայսրության անցկացրած միջոցառումներից հայտնի են երկուսը՝ եկեղեցականը և ռազմականը:

Շարունակելով հայերին կայսրության ժողովուրդների մեջ լուծելու քաղաքականությունը, Մորիկը նույնպես գտնում էր, որ նախ պետք է վերացնել հայերի եկեղեցական անկախությունը, հայերին միացնելով բյուզանդական քաղկեդոնական եկեղեցուն: Հայ պատմիչներից Սեբեոսը (VII դ.) այդ մասին հաղորդում է հետևյալը. «Հրաման ելան է դարձել ի կայսերին (այսինքն Մորիկից—Վ. Ի.) վերստին այլ բարոզել զժողովն Քաղկեդոնի յամենայն եկեղեցիս Հայաստան երկրի, և միաւորել հաղորդութեամբ ընդ զաւր իւր»: Մորիկը հայերին ենթարկում է

¹ Սմբատ Բագրատունին եղել է իր ժամանակի նշանավոր դորափար ու քաղաքական գործիչ: Հայաստանի անկախության համար մղած անձնավեր պայքարի, պատերազմներում ձեռք բերած ռազմաթիվ հաղթանակների ու անձնական քաջության համար նա դարձել է միջնադարյան պատմիչների կողմից փառաբանված լեգենդար հերոս: Նա գործել է ա) Բյուզանդիայում և Արևմտյան Հայաստանում, բ) Պարսկաստանում և Արևելյան Հայաստանում: Սմբատ Բագրատունու կյանքի հետ կապված երկրորդ շրջանի իրադարձությունները գրեթե ամբողջովին ուսումնասիրված են: Մինչդեռ նրա բյուզանդական շրջանի գործունեությունը, որը եղել է ոչ պակաս հետաքրքիր ու նշանավոր, պատմաբանների կողմից ուսումնասիրվել է խիստ սահմանափակ կերպով, ըստ որում շատ կարևոր հարցեր սխալ են մեկնաբանվել կամ մնացել են չպարզաբանված: Ստորև մենք կփորձենք լուսաբանել նրա գործունեության այդ կողմերը:

եկեղեցական հալածանքի և Արևմտյան Հայաստանում հաստատում է Դվինին հակաթու կաթողիկոսարան¹։

Մորիկի կողմից հայերի վրա գործադրված եկեղեցական բռնադատության մասին են վկայում նաև այլ պատմիչներ։ «Յայնմ ժամանակի — ասում է Ստեփաննոս Օրբելյանը, — բորբոքէր շարահար աղանդն Քաղկեդոնի ի ձեռն բուռն թագաւորաց Յունաց. և կամէր իրրե զքաղցկեղ ճարակել զաշխարհս Հայոց և զԱսորոց ուղղափառաց, ևս առաւել ի թագաւորելն Մօրկայ»²։

Հայերի դժգոհության գլխավոր պատճառն ու ազատագրական շարժմանը մղում տվողը, սակայն, եկեղեցական ճնշումը չէր, այլ հայ զինական ուժը Հայաստանից սիստեմատիկորեն դուրս բերելու և այն կանխամտածված կերպով ոչնչացնելու նենգ ծրագիրը։

Բյուզանդական կայսրությունն այդ ժամանակ պատերազմ էր մղում իր երեք սահմաններում, արևելքում՝ պարսիկների դեմ, Բուլղարիայում՝ լանգոթարդների և Բալկաններում՝ ավարների ու սլավոնների դեմ։

Մորիկի օրոք Բյուզանդիայի ամենահամառ թշնամիներն էին ավարները և սլավոնները³։ VI դ. վերջին և VII դ. սկզբին ավարները և սլավոնները բնակություն են հաստատում Բալկաններում։ Միայն 577 թ. Բալկանները ներխուժած սլավոնների քանակը հասնում էր հարյուր հազարի։ 581 թ. ավարները հարձակվում են Թրակիայի վրա, իսկ 588 թ. արդեն մոտենում են Կոստանդնուպոլսին⁴։

Բալկաններում մղած այս պատերազմներում է, որ Մորիկը լայնորեն օգտագործում է բյուզանդական տիրապետության տակ գտնվող Հայաստանի զինական ուժերը։ Նրա հրամանով Արևմտյան Հայաստանում պարբերաբար անց են կացվում զորահավաքներ, կազմակերպվում են հայ հեծյալ և հետևակ զնդեր, որոնք հայ իշխան-զորավարների հրամանատարությամբ անմիջապես փոխադրվում են Բալկանները։ Մորիկն իր այդ քաղաքականությունը հայերի հանդեպ կանխամտածված կերպով լայնորեն գործադրում է մանավանդ 591 թ. կնքված պարսկա-բյուզանդական պայմանագրից հետո։ «Ազդ մի խոտոր և անհնազանդ են, ասէ,— գրում է նա հայերի մասին խոսքով Բ թագավորին,— կան ի միջի մերում և պղտորեն։ Բայց եկ, ասէ, ես զիմս յողովեմ և ի թրակէ դումարեմ. և գու զբոյղ ժողովի և հրամայէ յԱրևելս տանել։ Զի եթէ մեռաւին՝ թշնամիք մեռանին և եթէ սպանանեն՝ զթշնամիս սպանանեն. և մեք կեցցուք խաղաղութեամբ։ Զի եթէ դոքա յերկրի իւրեանց լինիցին՝ մեզ հանգչել ոչ լինի»⁵։ Սակայն Մորիկն իր այդ նենգ ծրագիրը հայերի նկատմամբ սկսել էր գործադրել նաև մինչև հիշյալ պայմանագրի խոստով հայոց եկեղեցին կաթողիկոսական երկու աթոռների բաժանելու մասին, Սերեոսն այնուհետև ասում է. «Յայնմ ժամանակի դարձեալ հրաման ելանէր ի կայսերէն՝ վերստին քննել և խնդրել յաշխարհէն Հայոց զայր և զձի արս ընտիրս սպառազէնս ԲՌ (2000) հեծելոց, և տալ յերկուս արս հաւատարիմս և արձակել մեծաւ ստիպով»⁶։

Սա Արևմտյան Հայաստանում զորահավաք անցկացնելու մասին կայսեր առաջին հրամանը չէր։ Կայսրության անցկացրած հաճախակի զորահավաքներն ու Բալկաններում տված մեծ զո-

¹ Ս եր ե ո ս, Պատմութիւն, Երևան, 1939, էջ 54—55։

² Ստ. Օրբելյան, Պատմութիւն նահանգին Սիսական, Թիֆլիս, 1910, էջ 101։

³ М. В. Левченко, История Византии, М.—Л., 1940, էջ 101։

⁴ Նույն տեղում, էջ 101—103։

⁵ Ս եր ե ո ս, էջ 49։

⁶ Նույն տեղում, էջ 55։

⁷ Մխիթարյան բանասեր Հ. Կ. Սահակյանը, մասնացույց անելով Սերեոսին, նշում է, որ 586—587 թթ. հայկական զնդերը բյուզանդացիների հետ միասին մասնակցել են Դանուբի ափին սլավոնների դեմ տեղի ունեցած ճակատամարտին, որտեղ սպանվել է նշանավոր զորավար Մուշեղ Մամիկոնյանը (Հայ կայսեր Բիւզանդիոնի, հատ. Ա. Վենետիկ, 1903, էջ 103)։ Այստեղ սակայն այդ զնդի թվականը ճիշտ չի գրված։ Սերեոսը, որը հաղորդում է այդ փաստը (էջ 53—54), չի նշում զնդի տարեթիվը։ Ընդհանրապես, Սերեոսից (էջ 38—46), վրաց պատմագիր Արսեն Սափարեցուց (X դ.) (տե՛ս է. Մ ե յ ի ք - ս ե թ - Բ ե կ, Վրաց աղբյուրները Հայաստանի և հայերի մասին, հատ. Ա. Երևան, 1934, էջ 43), Կ. Պոլսի պատրիարք Փոտից (Православный палестинский сборник, т. XI, вып. I, СПб, 1892, էջ 182) և այլ աղբյուրներից հայտնի է, որ Մուշեղ Մամիկոնյանը հայկական զորքով մասնակցել է Վահրամ Չուրինի խռովության ճնշմանը (590—591) և խոսքով Բ-ին վերահաստատելով զահի վրա, մասնակցել է Կ. Պոլսի եկեղեցական ժողովին, ապա նոր միայն հայկական զնդերով փոխադրվել է Թրակիայի կողմերը։ Մուշեղ Մամիկոնյանը Գ. Պատկանյանի ենթադրությամբ, պետք է դռնված լինի Յատրուսի մոտ տեղի ունեցած արյու-

հերր հայերի համար արդեն անտանելի էին դարձել հենց այդ զորահավաքի ժամանակ: «Յայնժամ,— շարունակում է Սերեոսը,— ի խնդիր ելեալ ընտրեցին արս ԲՌ սպառազէնս և ետուն երկու հազարս յերկուս արս հաւատարիմս, մի հազար զՍահակ Մամիկոնեան և մի հազար ի ձեռն Սմբատայ Բագրատունւոյ, որդւոյ Մանուկի: Եվ ոչ ընդ մի ճանապարհ արարեալ նոցա զչուն, այլ Սահակ Մամիկոնեան արձակեն միով հազարաւ ընդ Սերաստիա, և զՍմբատ Բագրատունի միւսովն ընդ կողմանս խաղտեաց: Եվ Սահակ գնացեալ տանի հասուցանել զգարն ի պաղատն, և յանդիման լինի թագաւորին:

Իսկ Սմբատ հասեալ ի Խաղտիս՝ բռնեց ի Երկեալ գարն ի ճանապարհի, ոչ կամեցեալ երթալ ի տեղին յայն զհետ թագաւորին խնդրոյ»¹:

Սերեոսը, ինչպես տեսնում ենք, այստեղ չի նշում հայ հեծյալ զնդի՝ կայսեր հրամանին չինթարկվելու, ինչպես նաև երկու զնդերը միևնույն ճանապարհով շուղարկելու պատճառները: Սմբատ Բագրատունու գունդը հավանաբար նախատեսված էր Խաղտիքի Տրապիզոն նավահանգիստից նավերով ուղղակի ուղարկել Թրակիայի կողմերը, ինչպես իրոք արվում է զինվորներին հնազանդեցնելուց և Կոստանդնուպոլիս տանելուց հետո: Սահակ Մամիկոնյանի գունդը հասնում է Կ. Պոլիս, որից հետո նրա մասին պատմիչը լռում է, չնայած հետագա զորահավաքներից պարզվում է, որ Արևմտյան Հայաստանում հավաքագրված զնդերն այդ ժամանակներում, որպես կանոն, կայսրությանը ուղարկվում էր Թրակիա՝ ավարների և սլավոնների դեմ պատերազմելու: Այնտեղ տեղի ունեցած արյունահեղ ճակատամարտերում նրանք սովորաբար ոչնչանում էին: Ինքը՝ Սմբատ Բագրատունին լավ էր ըմբռնել կայսրության այդ քաղաքականության կործանարար բնույթը հայերի համար: Մինչ նախարարների ապստամբության նախապատրաստմբ Արևմտյան Հայաստանում նա, ինչպես վկայում է Սերեոսը, բազում պատերազմներում արդեն ցույց էր տվել «զիր քաջութիւնն և զբռնութիւնն»²: Որտե՞ղ և ի՞նչ պատերազմներ են եղել դրանք: Ուխտանեսը (X դ.) լրացնում ու կոնկրետացնում է Սերեոսին, ասելով, որ Սմբատ Բագրատունին բազմաթիվ պատերազմների է մասնակցել «ի Հայս, ի Յոյս, և ի Պարսիկս»³: Հայտնի է, որ 572—590 թթ. պարսկա-բյուզանդական պատերազմի ժամանակ ռազմական դործողությունները պարբերաբար տեղի էին ունեցել նաև Հայաստանում: Պատմիչը «ի Յոյս» (այսինքն՝ Բյուզանդիայում) ասելով նկատի ունի կայսրության՝ Բալկաններում մղած պատերազմները, որոնց Սմբատ Բագրատունին մասնակցել էր հայկական զնդերով և անշուշտ քիչ կորուստներ չէր ունեցել:

Սմբատ Բագրատունու հայ հեծյալ զնդի ելույթը մի փորձ էր հակադրվելու դեպի Թրակիա հայկական զինական ուժերի սիստեմատիկ տեղափոխման ու ոչնչացման բյուզանդական նենդ քաղաքականությանը: Կայսրության շտապ միջամտությունը, սակայն, արգելակեց դեպքերի հետագա ծավալումն ու խորացումը: «Ազգ լինի թագաւորին եղեալ իրքն.— ասում է Սերեոսը,— ապա ի ձեռն հրովարտակաց և հաւատարիմ հրեշտակաց երդմամբ խոստանայ՝ մեծաւ պատուով փութանակի արձակեալ յերկիրն իւր: Եւ զսրուն խոստանայր պատիւս մեծամեծս և ինչս, և անպէս ողորեալ ածէ ի հաշտութիւն: Եւ գնացեալ միաբանութեամբ յանդրման լինէին թագաւորին: Եւ թագաւորն սպառազէնէ զգարն և զարդարէ և գումարէ ի սահմանս Թրակացոց, և զՍմբատս մեծաւ պատուով յուղարկէ անդրէն հասանել յերկիրն իւրեանց բազում ստացուածովք»⁴:

Կայսեր շտապ խոստումները, հավանաբար, նույնպես օգնեցին հնազանդեցնելու զինվորներին: Պատմիչի մոտ, սակայն, ուշադրավ է մի հանգամանք: Սերեոսը, ինչպես տեսնում ենք, «կգրում ասում է, որ Հայաստանում «ընտրեցին արս ԲՌ (2000) սպառազէնս», այսինքն կատարելապես զինված զինվորներ, իսկ այնուհետև գրում է, թե Կ. Պոլսում «թագաւորն սպառազէնէ զգարն»: Արդյոք Խաղտիքում Սմբատ Բագրատունու գունդը չէ՞ր զինաթափվել ու նոր

նախեղ ճակատամարտում՝ 600 թ. (С е б е о с, История императора Пракла, СПб. 1862, էջ 199, ծան. 134):

Հովհաննես Եփեսոսցու վկայությամբ մինչ հիշյալ զորահավաքը, մեզ հայտնի է միայն այն դադիվելու մասը, որ 577 թ. կատարել էր Մորիկը որպես բյուզանդական արևելյան զորահրամանատար (577—578) Հայաստանի Արդն գավառից Կիպրոս կղզին (տե՛ս Н. П и - у л е в с к а я, Сирийские источники по истории народов СССР, М.—Л., 1941, էջ 133, 143, 146):

¹ Ս ե ր ե ո ս, էջ 55—56:

² Ն ու յ ն տ ե ղ ու մ, էջ 56:

³ Ու խ տ ա ն Ե ս, Պատմութիւն Հայոց, հատ. Ի, Վաղարշապատ, 1871, էջ 56:

⁴ Ս ե ր ե ո ս, էջ 56:

տարվել կայսեր մոտ: Սմբատ Բագրատունուն Հայաստան ուղարկելը նշանակում էր, որ նա պակաս դեր չէր խաղացել հեծյալ գնդի ելույթի կազմակերպման գործում և կայսրության կողմից դիմում էր որպես միանգամայն անվստահելի անձնավորություն:

Չնայած հայ հեծյալ գնդի ելույթը չհանգեցրեց կայսրության հետ զինված ընդհարման, բայց ունեցավ կարևոր նշանակություն: Նա յուրատեսակ ազդանշան հանդիսացավ Արևմտյան Հայաստանում բյուզանդական տիրապետության դեմ հայ ազատագրական շարժման ծավալման համար, շարժում, որը դադարել էր Լուսինոսի անհետացումից: Շուտով Արևմտյան Հայաստանում, նույն Սմբատ Բագրատունու գլխավորությամբ, նախապատրաստվեց մի խոշոր ապստամբություն, որի ժամանակ առաջադրված պայքարի ձևերն ու քաղաքական ծրագիրը խոշոր չափով տարբերվում էին բյուզանդական տիրապետության դեմ մինչ այդ տեղի ունեցած ապստամբություններից:

Դեռևս 484 թ. երբ գորավար Իլլոսը խռովություն էր բարձրացրել Ջենոն կայսեր դեմ, ապստամբել ու նրան էին միացել նաև Արևմտյան Հայաստանի հայ սատրապները (նախարարները), մեծ հույսեր կապելով գահի փոփոխության հետ: Խռովությունը սակայն ճնշվել էր, իսկ սատրապներին կայսրը զրկել էր իրենց պաշտոնի ժառանգական տիրապետության իրավունքից:

539 թ. Արևմտյան Հայաստանում մի խոշոր ապստամբություն էր բռնկել Հուստինիանոս կայսեր դեմ Արշակունի իշխանների գլխավորությամբ, որոնք, ի վերջո, իրենց հույսը դրել էին Պոստոլ Անուշիրվանի օգնության վրա, բայց իզուր: Հուսալքված նախարարները երես էին դարձրել պարսիկներից և վերստին ենթարկվել կայսրությանը:

Այսպիսով, Արևմտյան Հայաստանի դրությունը չթեթևաօրին և չէին կարող թեթևացնել ոչ գահակալական կոիվները Բյուզանդիայում, ո՛չ էլ պարսից «օգնությունը»:

Կայսրության բազմակողմանի կեղեքումներից ազատագրվելու համար անհրաժեշտ էր թոթափել բյուզանդական լուծը և երկրում վերականգնել սեփական թագավորական իշխանությունը: Երկրի անկախության վերականգնման գաղափարին հանգեցին նախարարներից շատերը և առաջին հերթին՝ բյուզանդական զինվորական ասպարեզից փաստորեն հեռացված Սմբատ Բագրատունին, որը դառնում է կայսրության դեմ նախապատրաստվող նոր ապստամբության կազմակերպիչն ու ղեկավարը:

Բյուզանդական գերիշխանության դեմ մղվող պայքարն ընդունում է ազատագրական շարժման բնույթ: «Ապա դարձեալ սկսան միաբանել մնացեալ նախարարքն Հայոց, — հաղորդում է Սեբեոսը, — և խնդրէին ի բաց կալ ի ծառայութենէն Յունաց թագաւորին և նստուցանել իւրեանց թագաւոր, զի մի՛ և նոցա հասցէ մեռանել ի կողմանս Թրակացոց, այլ կեալ և մեռանել ի վերայ աշխարհին իւրեանց»:

Հայոց թագավորական գահի վերականգնումով նախարարները հավանաբար հույս ունեին վերահաստատել նաև իրենց երբեմնի ֆեոդալական ինքնուրույն և ինքնիշխան դրությունը, որից զրկվել էին Հուստինիանոսի ռեֆորմների հետևանքով:

Հայերի դժգոհության և նախապատրաստվող ապստամբության պատճառը, անշուշտ, միայն սրկրի շահերին չծառայող գորահավաքները չէին: Հայերի վրա, ինչպես տեսանք, գործադրվում էր եկեղեցական բռնադատություն: Արևմտյան Հայաստանում պետք է ծանրացած լինեին նաև հարկերը, մանավանդ, որ այդ ժամանակներում կայսրությունը պատերազմներ էր մղում գրեթե իր բոլոր սահմաններում և, բնականաբար, դրամական մեծ միջոցների կարիք ուներ:

Այնուամենայնիվ նախարարների կողմից հայոց թագավորության վերականգնման պահանջի առաջադրումը ցույց է տալիս, որ նրանք ձգտում էին ազատագրվել ոչ թե կայսրության այս կամ այն ճնշումից, այլ ընդհանրապես բյուզանդական տիրապետությունից: Այդ դժվարին խնդիրը հիմնականում իրագործվելու էր նախարարների ուժերով: Ազատագրական շարժման ղեկավար դերը ստանձնել էին նախարարները, որոնք իրենց տրամադրության տակ ունեին սեփական զորք: Սակայն իրենց՝ նախարարների մեջ էլ միաբանություն չկար: «Եւ բանք խորհրդոց նոցա, — վկայում է Սեբեոսը, — ոչ ունէր գմիաբանութիւն իրին յինքեանս հաստատեալ, այլ

Ս ե ր և ո ս, էջ 56: Այն մասին, թե ում էր նախատեսվում հանձնել վերականգնվելիք հայոց թագավորական գահը, պատմիչը լռում է: Ուխտանեսը խոսելով Սմբատի՝ վերականի մարդպան լինելու մասին, ասում է. «Չի թէպէտ և թագաւոր չէր աշխարհիս հայոց, այլ նա լնոյր, զպակասութիւն թերութեան թագաւորի հոգարարձութեամբն իւրով» (էջ 55): Եթե նա այսքան հեղինակավոր ու ճանաչված է եղել հետագայում, իսկ մինչ այդ հանդես է գալիս ապստամբության պարագլուխ, ապա պետք է ենթադրել, որ թագավորական գահը նախատեսված էր իրեն՝ Սմբատի համար:

ումանք ի նոցանէ շոգմոգութեամբ հասուցին զբանս խորհրդեանն յունկն թագաւորին, և ինրեանք այսր և անգր սորսորեալ խուսափէին¹:

Սմբատ Բագրատունու ջանքերը՝ համախմբելու նախարարներին, ապարդյուն անցան: Երկրի ֆեոդալական մասնատվածությունը, նախարարների երկպառակությունները և իրենց սևիական ուժերի հանգեպ ունեցած անվստահությունը խանգարեցին ապստամբության բռնկմանը: Պակաս բացասական գեր շխաղացին մատնությունը և դավաճանությունը: Կայսրությունն իր հերթին առանց ժամանակ կորցնելու միջամտեց ղեպրերին: «Յայնմ ժամանակի,— ասում է Սերեոսը,— հասանէին ղեսպանք արքունականք հրովարտակալք, և կալեալ զՍմբատ հանդերձ այլովք ոմամբք և թն արամբք և տարան յանդիման թագաւորին»²:

Պատմական ուսումնասիրություններում հայ հեծյալ զնդի ելույթին և Սմբատի նախապատրաստած ապստամբությանը տարբեր մեկնաբանություն է տրվել. տարբեր տարեթվեր են նշվել: Մի շարք պատմաբաններ այդ ղեպրերը վերագրում են 595 թ., երբ նրանց կարծիքով, Սմբատ Բագրատունու զխափորությամբ բռնկվում է մի նոր ապստամբություն, որի հետևանքով կայսրությունը քիչ է մնում կորցնի բյուզանդական Հայաստանը, բայց ապստամբությունը ճնշվում է, իսկ պարագլուխները գերվում են³:

Պատմաբանների մոտ հայ հեծյալ զնդի և նախարարական ապստամբության վերաբերյալ նշվել են նաև այլ տարեթվեր, որոնց կանդաղադանանք ստորև:

Երբ է եղել հայ հեծյալ զնդի ելույթը և նախարարների ապստամբության փորձը: Արդյո՞ք ապստամբությունը տեղի ունեցել է:

Նախօրոք ասենք, որ Սերեոսի նշած և հիշյալ պատմաբանների կողմից հիմք բնորոշված 595 թ. չի վերաբերում ոչ հայ հեծյալ զնդի ելույթին և ոչ էլ Սմբատ Բագրատունու կազմակերպած նախարարների ապստամբությանը: Պատմաբանների մոտ այդ անճշտությունն առաջացել է նրանից, որ Սերեոսի պատմության մեջ չի պահպանված այս շրջանի պատմական ղեպրերի շարադրման ժամանակագրական հաջորդականությունը: Ուշադիր ընթերցումից պարզվում է, որ այդ տարեթիվը վերաբերում է կայսրության ղեմ տեղի ունեցած հայ նախարարների այլ ապստամբությանը, որի մասին ևս Սերեոսը գրում է և իր պատմության ԺԴ գլխում տալիս նրա մասնակից նախարարների անունները⁴: Նախարարների մեջ, ի վերջո, առաջանում է պառակտում. նրանց մի մասը ենթարկվում է Բյուզանդիային, իսկ մյուսները՝ պարսից համարակարին (հաշվակալ) և իրենց զնդերով գալիս են «ի դուռն թագաւորին Պարսից խոսրովու, յամի վեցերորդի թագաւորութեան նորա»⁵: Այս մասին Սերեոսը խոսում է իր պատմության ԺԹ գլխում, կրկնելով ապստամբ նախարարների անունները:

Այսպիսով, Սերեոսի հիշատակած 595 թ. վերաբերում է այլ ապստամբությանը և ոչ թե Սմբատ Բագրատունու ժամանակի ղեպրերին:

Սմբատ Բագրատունու հետ կապված ղեպրերը Սերեոսը շարադրում է հայոց եկեղեցին կաթողիկոսական երկու աթոռների բաժանվելու մասին հիշատակելուց անմիջապես հետո: Երբ է

¹ Ս Ե Լ Ե Ո Ս. Էջ 56:

Նույն տեղում: Անհրաժեշտ ենք համարում նշել, որ Սերեոսը հայ պատմիչներից միակն է, որի պատմության մեջ պահպանվել են թեև խիստ համառոտ, բայց վերին աստիճանի կարևոր տեղեկություններ թե՛ հեծյալ զնդի և թե՛ նախարարների ապստամբության մասին: Այդ տեղեկություններն առավել արժեքավոր են, քանի որ պատմիչը ժամանակով շատ մոտ է (իր պատմությունն ավարտել է 661 թ.) նկարագրվող ղեպրերին: Մինչդեռ մյուս հայ պատմիչները, անգամ նրանք, որոնք օգտվել են Սերեոսի պատմությունից, բաց են թողել այդ կարևոր իրադարձությունները:

Մ. Օրմանյան, Ազգապատում, Կ. Պոլիս, 1912, էջ 584: Ա. Ալպոյան, Պատմություն հայ ղաղթականության, Կահիրե, 1941, էջ 151, 180: Լ. Լ. Ո., Հայոց պատմություն, հատ. Ի, էջ 222: Հ. Ջանիբեկյան, Խոսրով-Շումր Մանվելի որդի Սմբատ Բագրատունին է (Տեղեկագիր Արմֆանի, № 2, 1943, էջ 30): Տե՛ս նաև նույնի՝ «Սմբատ Խոսրով-Շումր Բագրատունի» (Երևան, 1943, էջ 11, 14) զրբույթը:

² Ս Ե Լ Ե Ո Ս. Էջ 50:

Նույն տեղում, էջ 58: Խոսրով Բ Փարվեզը թագավոր է հռչակվել 590 թ. փետրվարի 15-ին (Н. В. Игулевская, Византия и Иран на рубеже VI и VII веков. М.—Л., 1946, էջ 89), քսո որի նրա կառավարման վեցերորդ տարին 595 թ. փետրվարի 16-ից մինչև 596 թ. փետրվարի 15-ն է: Լեոն նախարարների Պարսկաստան ղնալը ղնում է 596 թ. (Հայոց պատմություն, հատ. Ի, էջ 229):

եղել այդ բաժանումը՝ Սերեոսի վկայությամբ, «յամին քսաներորդի առաջներորդի արքային խոսրովայ» (այսինքն՝ 610 թ.), պարսիկները Կարինի բնակիչների հետ գերեվարում են նաև հակաթոռ կաթողիկոս, զառամյալ Հովհաննես Կոզովիտեցուն, որը մահանում է Պարսկաստանում, բայց բերվում է Ավան գյուղը և թաղվում իր շինած եկեղեցում¹։ Հենվելով Սերեոսի այդ տեղեկության վրա, Մ. Օրմանյանը գտնում է, որ Հովհաննես կաթողիկոսը մահացել է գերեվարվելուց մի տարի անց (այսինքն՝ 611 թ.), քսան տարի (սկսած 590 թ.) անօգուտ պաշտոնավարելուց հետո²։

Արսեն Սափարեցի (IX դ.) վրաց պատմագիրն իր «Վրաց և Հայոց բաժանման մասին» երկասիրության մեջ, որտեղ նա օգտվել է գլխավորապես հայկական աղբյուրներից, մասնավորապես *Narratio de rebus Armeniae* գրությունից (VII դ.), որի հունարեն թարգմանությունն է միայն պահպանվել³, վկայում է հետևյալը. «Եվ բաժանվեց Հայքը (Սոմխիթը), և սրանք (բաղկեղոնիկները) կաթողիկոս կացուցին Հովհան Կոզովիտեցուն, և սրանից հետո տասներկու տարի՝ մինչև Մորիկ (Մավրիկ) թագավորի մահը՝ բազում ընդդիմադրությամբ էր ընթանում (Հայքը) Քաղկեդոնի ժողովի ու մեր տեր աստված Քրիստոսի երկու ընտելության պատճառով»⁴։

Ըստ Արսեն Սափարեցու, ինչպես տեսնում ենք, Հովհաննես Կոզովիտեցին կաթողիկոս է դարձել 590 թ.։ Սակայն նույն պատմիչը⁵ և Փոտ պատրիարքի⁶ վկայություններից հայտնի է նաև, որ հայոց եկեղեցու՝ հակաթոռ կաթողիկոսությունների բաժանվելու ժամանակ Կոստանդնուպոլսում գումարված եկեղեցական ժողովին մասնակցել է և Մուշեղ Մամիկոնյանը, որը բյուզանդական մայրաքաղաք էր գնացել խոսրովին դահի վրա վերահաստատելուց հետո⁷։

Այդպիսով, հայերի հանդեպ Մորիկի քաղկեդոնական բռնադատությունը, որի ժամանակին է Սերեոսը վերադրում Սմբատի գլխավորությամբ հայ հեծյալ գնդի և նախարարների ապստամբության ղեկավարը, տեղի է ունեցել 590—591 թթ.։ Ակադ. Հ. Աճառյանը, հիմք ընդունելով Սերեոսի վկայությունը, գտնում է, որ Սմբատը կայսեր դեմ ռմբոստացել է շուրջ 590 թ.⁸։ Այդ ղեկավարը նույն ժամանակին է վերագրում նաև VII դարի առաջին կեսի բյուզանդական պատմիչ Թեոփլակտոս Սիմոկատան, որը խոսելով պարսից Որմիզդ թագավորի (579—590) դեմ զորավար Վահրամ Չուրինի բարձրացրած խռովության և այդ առիթով պարսիկների մեջ ծայր առած զահակալական պատերազմի մասին, ասում է.

«Դրանից քիչ առաջ Պարսկաստանին հարևան հայերը մի քանի հռոմեացիների դրդմամբ դավադրություն կազմեցին ապստամբելու և փորձեցին կամավոր կերպով անցնել Մարաստանի կողմը՝ շարանենգորեն սպանելով կայսեր նշանակած Հայաստանի կառավարիչին, որի անունն էր Հովհաննես⁹։ Երբ Հայաստանի գործերն սկսել էին ալեկոծվել, Մավրիկոս կայսրը Հայաստան է ուղարկում Դոմենգիոյին, որը շատ անվանի մարդ էր, սենատի գլխավորների թվում բոլորից շատ սիրելի և փայլող, նա կանխեց ապստամբության փորձը, իսկ խռովության հորը (նրա անունը Սմբատ էր) շղթայակապ ներկայացրեց թագավորին»⁹։

Վահրամ Չուրինը խռովություն է բարձրացրել 590 թ.։ Պատմիչի «դրանից քիչ առաջ» բառերից պետք է հետևենք, որ Սմբատը նախարարների ապստամբություն է կազմակերպել Չուրինի խռովությունից քիչ առաջ, բայց նույն տարում։ Պատմաբաններից ոմանք Սերեոսի և Սիմոկատայի վկայությունների հիման վրա հայ հեծյալ գնդի ելույթն ու Սմբատի նախապատրաստած ապստամբությունը դրել են 590 թ., որը, ըստ իս. ճիշտ է¹⁰։

¹ Սերեոս, էջ 78։

² Մ. Օրմանյան, Ազգապատում, Կ. Պոլիս, 1912, էջ 577, 649։

³ Լ. Մելիքսեթ-Բեկ, Վրաց աղբյուրները Հայաստանի եվ հայերի մասին, հատ. Ա, էջ 31—32։

⁴ Նույն տեղում, էջ 43—44։

⁵ Նույն տեղում, էջ 43։

⁶ Православный палестинский сборник, т. XI, вып. 1, էջ 182։

⁷ Հաշվի առնելով այդ, Լեոն հակաթոռ կաթողիկոսությունների առաջացումը դնում է 591թ. (Հայոց պատմություն, հատ. Բ, էջ 225), իսկ Ն. Ակիսյանը՝ 591—592 թթ. (Կիւրիոն կաթողիկոս Վրաց, Վիեննա, 1910, էջ 121)։

⁸ Աճառյան, Հայոց անձնանունների բառարան, հատ. Դ, էջ 539։

⁹ Theophylacti Simocattae, Historiarum, Bonnae, 1834, թ. 129—130, որևէ տեղից թարգմ. Феофилакт Симокатта. История, пер. С. П. Кондратьева, Москва, 1957, էջ 80։

¹⁰ Տե՛ս Կ. Տեր-Սահակյան, Հայ կայսերը Բիզանդիոնի, հատ. Ա, էջ 272, հ. Մարկվարտ, Հայ Բագրատունյաց ճյուղազրույթները, դերմ. թարգմ. Հ. Մ. Հապոդյան, Վիեննա, 1913, էջ 3։ Այլ պատմաբանների կարծիքով այդ ղեկավարը տեղի են ունեցել 589 թ. (տե՛ս Լեո, Հայոց պատմություն, հատ. Բ, էջ 222. P. Goubert, Byzance avant l'Islam, Paris, 1951, t. 1, էջ 123, ծանոթ. 5), կամ՝ 581 թ. հետո (Ю. Кулаков-

Սիմոկատայի հաղորդած վերոհիշյալ կարևոր փաստերը լրացնում են Սերեոսին, Սակայն վերջինս չի հաստատում նրա այն վկայությունը, թե իբր հայերը հռոմեացիների զրդումով էր, որ րմրոստացան և ցանկացան Բյուզանդիայից անկախանալ ու պարսիկների կողմն անցնել:

Մխիթարյան բանասեր Տեր-Սահակյանի կարծիքով, Սիմոկատայի հիշատակած հայերին զրդող «հռոմեացիներ» բառը պետք է հասկանալ «հունահայ» իմաստով և իբր զրանց անունները պահպանված են Սերեոսի հետևյալ վկայության մեջ. «Ապստամբէին դարձեալ ի կողմանցն Յունաց սեպուհոն Վահուհիբ—Սամուկն զոր ասացի և Սարգիս և Վարազ Ներսէս և Ներսէս և Վստա՛մ և Թլոդորոս Տրպատունի: Եւ յորհէին սպանանել զկորստորն՝ մինչդեռ նա նստէր ի ջերմկի՝ բժշկել ի հիւանդութենէ, մերձ ի քաղաքն Կարնոյ»¹:

Իրո՞ք այս նախարարներն էին Սմբատի կազմակերպած ապստամբության մասնակիցները: Այդ երկուսը Սերեոսը ներկայացնում է որպես իրարից միանգամայն տարբեր ժամանակներում տեղի ունեցած ապստամբություններ և ամենեին չի նույնացնում: Սամվել Վահուհուն մասնակցությամբ ապստամբությունը տեղի է ունեցել նախարարների՝ 595 թ. մեզ հայտնի ապստամբությունից հետո: Սերեոսը, որը այդ երկու ապստամբությունների մասին միակ տեղեկություն հաղորդող պատմիչն է, թվարկում է թե առաջինի և թե երկրորդի մասնակից նախարարների անունները: Մինչդեռ հայտնի է, որ Սմբատի նախապատրաստած ապստամբությունը, բացի նրանից (Սմբատից) ունեցել է նաև յոթ այլ ղեկավարներ, հավանաբար նույնպես նախարարներ, որոնք տարվելով Կ. Պոլիս դատապարտվել են կրկեսում զազանների առաջ նետվելու միջոցով հոշոտվելուն և նրանց հետագա բախտը մեզ հայտնի չէ:

Ծիշտ չէ նաև, թե Սիմոկատայի մոտ «հռոմեացիներ» բառը օգտագործված է «հունահայ» իմաստով: «Պարսկաստանին հարևան հայերը, մի քանի հռոմեացիների զրդմամբ» նախադասության մեջ որոշակիորեն տարբերություն է գրված երկու տարբեր ազգային պատկանելիության մարդկանց միջև: Հայերը ոչ դավանանքով և ոչ էլ ազգությամբ նման չէին հռոմեացիներին: Հռոմեացիներ բառի տակ պետք է ուղղակի հասկանալ Փոքր Ասիայում բնակված և կայսրությանից դժգոհ հռոմեացիներին: Եթե Սիմոկատայի հիշատակած հռոմեացիները ապստամբ նախարարներ էին, ապա ինչպե՞ս կարող էին իրենք իրենց զրդողներ հանդիսանալ: Հայաստանի մասին խոսելիս բյուզանդական պատմիչները երբեք նրա բնակիչներին հռոմեացիներ չեն անվանում:

Հայաստանի բյուզանդական կառավարչի սպանությունը ապստամբության ծագման ազդանշանն էր: Սերեոսն ու Սիմոկատան, սակայն, չեն խոսում ապստամբության ոչ ծագման և ոչ էլ ճնշման մասին: Կայսրությունը զորք չի ուղարկում, ղեկավարը չեն հանգում զինված բնդ² հարման, որի հետևանքով էլ Դոմենդիոլին հաջողվում է ձերբակալել Սմբատին և մյուս յոթ ղեկավարներին ու շղթայակապ տանել Կ. Պոլիս³:

Այդ բոլորը ցույց են տալիս, որ Սմբատը սոսկ նախապատրաստել է ապստամբությունը, որը տեղի չի ունեցել:

Կ. Պոլսում կայսրը Սմբատի և մյուսների գործը հանձնում է պալատական դատարան (ծերակույտ), որը «բնեալ զնոսա ի մէջ բազմամբոխ հրապարակին՝ հատաւ վճիռ ի վերայ նոցա՝ մերկացուցանել և բնկենուլ ի կիւնիկս»⁴, զազաններից հոշոտվելու համար:

Սերեոսը, որն արտակարգ պատկերավոր կերպով է նկարագրում կրկեսի հետ կապված Սմբատի պատմությունը, հաղորդում է հետևյալը. Սմբատը մերկ, սոսկ անդրավարտիքով նետ-

ский, История Византии, т. II, Киев, 1912, էջ 446: E. Stein, Studien zur geschichte des byzantinischen Reiches, Stuttgart, 1919, էջ 129), բայ որում երկու ղեկավար էլ կարծիքները չեն հիմնավորվում փաստերով:

¹ Սերեոս, էջ 52, հմտ. Կ. Տեր-Սահակյան, Հայ կայսերը Բիւզանդիոնի հատ. II, էջ 272—273, ծանոթ. 1:

² Մինչդեռ խոսելով 595 թ. նախարարական ապստամբության մասին Սերեոսը (էջ 50—51) հանգամանորեն հաղորդում է, թե ինչպես Բյուզանդիան և Պարսկաստանը միացյալ զորք են ուղարկում ապստամբների դեմ զորավարների հրամանատարությամբ, իսկ նրան հաջորդած ապստամբության ժամանակ (էջ 52—53) տեղի են ունենում արյունահեղ մարտեր և կայսրության կողմից դաժան դատաստան՝ զերված նախարարների նկատմամբ:

³ Սերեոս, էջ 56:

վում է կրկես, ուր նրա վրա նախ րաց են թողնում մի արջ, որը սակայն հայ իշխանի բռունցքի հարվածից անշնչացած տապալվում է գետին: Հաջորդը մի ցուլ էր: Սմբատը դարձյալ բարձր աղաղակելով նրա հետ մտնում է կատաղի մենամարտի մեջ: Տուր փախուստով աղաւովում է միայն այն ժամանակ, երբ կոտորվում են նրա երկու եղջյուրները, իսկ ոտի մի կճղակը մնում է Սմբատի ձեռքում: Վերջապես դուրս է գալիս առյուծը: Երբ վերջինս հարձակվում է Սմբատի վրա ռասածո օգնությամբ նրան հաջողվում է՝ բռնելով ամենհի զազանի ականջից հեծնել նրա վրա և սեղմելով կսկորդը՝ խեղդել: Կրկեսի բազմաթիվ հանդիսականներն իրենց հիացմունքն են արտահայտում ցնծության բացականչություններով և պահանջում են կայսրից ներումն շնորհել հայ դյուցազնին: Ներումն է խնդրում նաև կայսրուհին, որը կայսեր հետ մինչ այդ որդեգրել էր Սմբատին նրա գեղեցկության և ուժի համար: Կայսեր ներումից հետո Սմբատի պատվին արքունիքում տրվում է ճոխ խնջույք¹:

Սմբատի այդ քաջագործությունները հիմնավորելու և համոզիչ դարձնելու համար Սերեոսը նախօրոք հայտնում է, որ հայ իշխանն ուներ գեղեցիկ և անչափ ուժեղ կազմվածք: Մի անգամ անտառով անցնելիս նա կախվել էր մի բարձր ու հաստաբուն ծառից և ոտներով բարձրացնելով իր ձիուն՝ մեծ զարմանք պատճառել իր ամբողջ զորքին²:

Խնոփիլակոոս Սիմոկատան չի հաստատում Սերեոսի հաղորդածը և կրկեսային տեսարանը նկարագրում է բոլորովին այլ կերպ. «Երբ թատրոնն արդեն լեփ-լեցուն էր և այդպիսի հանցանք գործողները պատրաստ էին զոհ դառնալու վայրի զազաններին, թագավորի ողորմածությունը կանխեց հավարված գեմերի աղերսանքը: Այդպիսով (Սմբատը—Վ. Ի.) ազատվեց վայրի զազաններից և ստացավ իր համար անսպասելի փրկություն, իսկ հանդիսականները մեծապես զոլաբանեցին թագավորի անսպասելի մարդասիրական կարեկցությունը»³:

Այդպիսով, բայտ Սերեոսի, Սմբատի հերոսությունն ու հանդիսականների պահանջն են ստիպում Մորիկին ներումն շնորհելու, իսկ բայտ Սիմոկատայի՝ կայսեր ղեկավարությունն էր դատապարտվածների փրկության պատճառը⁴:

¹ Ս ե ր ե ո ս, էջ 57:

² Նույն տեղում, էջ 56—57: «Անհավատարի ոյժ», — գրում է Ղ. Ալիշանը պատմիչի այս վկայությունն առթիվ (Հայապատում, Վենետիկ, 1901, էջ 216, ծանոթ. 4):

³ Ս ի մ ո կ ա տ ա, ռուս. թարգմ. էջ 80—81:

⁴ Պատմաբանները և բանասերները գտնում են, որ Սերեոսի մոտ եղած Սմբատի կրկեսային զեպրի նկարագրությունը «զրույց» է (Մ. Ա ր ե դ յ ա ն, Հայոց հին դրականութան պատմություն, հատ. Ա, Երևան, 1944, էջ 394), «ժողովրդական առասպել» (Լ ե ո Հայոց պատմություն, հատ. Բ, էջ 223—224, 229, ծանոթ. 2), «լեզենդային պատմվածք» (Ю. Кулаковский, История Византии, т. II, էջ 446), և ավելի շուտ նման է մի էպոսի, քան պատմության: Սմբատը չերկուբեսի նման հանդես է գալիս բյուզանդական կրկեսում. ինչպես Սամսոնը՝ փղշտացիների առաջ» (P. Goubeirt, Byzance avant l'Islam, t. I, էջ 197—198):

Թերևս սրանով սպառված համարելինը պատմիչի հիշյալ վկայության զնահատումը, եթե նրա մասին գրականության մեջ հայտնված չիմեկին նաև հակադիր կարծիքներ: Բանասերների այս մասը, բյուզանդական գերիշխանության դեմ ծավալվող հայ ազատագրական շարժման առաջնորդի՝ Սմբատ Բաղրատունու հանդեպ սիրո և ազդային հպարտության բուռն պաշտոններով համակված, հակված է պատմական իրողություն դարձնելու կրկեսային զեպրի մասին Սերեոսի հաղորդածը: Սակայն եթե մյուս բանասերները սոսկ կրկնում են Սերեոսի հաղորդածը որպես իրողություն (Մ. Օ ր մ ա ն յ ա ն, Աղագապատում, Կ. Պոլիս, 1912, էջ 585: Ա. Ա լ յ ո յ ա ճ յ ա ն, Պատմություն հայ զաղթականության, էջ 198: Ն. Ա ճ ա ո յ ա ն, Հայոց անձնանունների բառարան, հատ. Դ, էջ 539: Ն. Վ. Հ ա ց ու Ն ի. Դաստիարակությունը հին Հայոց քով, Վենետիկ, 1923, էջ 304 և այլն), ապա ակադ. Սա. Մալխասյանցը երկու անգամ (Ս ե ր ե ո ս, Պատմություն, էջ 183, ծանոթ. 41, Себеос, История, Ереван, 1939, էջ 158—160, ծանոթ. 100) հանգամանորեն բննարկման է ենթարկում պատմիչի կրկեսային զեպրի մասին վկայությունը և հանդում է այն հետևություն, որ այն «իրական անցքի նկարագրություն է» (Ս ե ր ե ո ս, էջ 184, ծանոթ. 41): Նրա կարծիքով «ցույր անշուշտ պատված է եղել», իսկ իր զոհի վրա առյուծի թախիքը, հավա-

Անհավանական է Սիմոկատայի վկայությունը: Միամտություն կլիներ կարծել, ինչպես միանգամայն ճիշտ կերպով նշում է ակադ. Ստ. Մալխասյանցը¹, թե կայսրը կրկեսում կհավաքեր հավաքավոր հանդիսականների լոկ նրա համար, որ ցուցադրեր իր ողորմածությունը:

Սմբատ Բագրատունու կրկեսային մենամարտի նկարագրությունը կա նաև Սամվել Անեցու (XII դ.)², Մխիթար Անեցու (XIII դ.)³ մոտ և Հայսմավուրքի (հոկտեմբերի 26) մեջ, բայց ղեկավար, արտագրող գրիչների սխալով⁴, տեղի է ունենում ոչ թե Կ. Պոլսում, այլ Պարսկաստանում և խոսքովի հրամանով:

Կասկածից վեր է, որ իրոք Կ. Պոլսում Սմբատն ու ապստամբության մյուս յոթ կազմակերպիչները կայսերական դատարանի կողմից դատապարտվել են կրկեսում գազաններից հաշտվելու: Սակայն, մեր կարծիքով, կայսրը չի հաստատել այդ վճիռը, այլ ներումն է շնորհել նրանց՝ ապստամբությունից հաղիվ ետ պահված հայերին ապստամբելու նոր առիթ չտալու համար, մանավանդ որ կացությունը Արևմտյան Հայաստանում շարունակում էր լարված մնալ: Սմբատին ու մյուս դատապարտվածներին ներումն էր շնորհելը հանգստացնում էր հայերի վրիժառությունը և շուտով նրանց ազգային ինքնասիրությունը⁵: Կար մի այլ կարևոր հանգամանք ևս, դա բալկաններում կայսրության մղած պատերազմներն էին ավարների դեմ, որոնք սպառնում էին անգամ Կ. Պոլսին: Այդ պատերազմներում, ինչպես սեսանք, կայսրությունը մեծ չափով օգտագործում էր հայ զինական ուժը, որը նրա համար հսկայական նշանակություն ուներ: Այդ էր պատճառը, որ կայսրը Սմբատ Բագրատունու և նրա հեծյալ զնդի նկատմամբ չկիրառեց պատժի միջոցներ, այլ ընդհակառակը, պարգևներ շնորհեց, երբ զինվորներն ի վերջո համաձայնեցին գնալ Թրակիա: Մորիկը նույն կերպ է վարվում նաև 595 թ. ապստամբության մասնակից նախարարների հետ⁶:

Այդ ամենը ցույց է տալիս, որ կայսրությունը դիմում էր հնարավոր բոլոր միջոցներին նախարարներին ու նրանց զինական ուժը իր մղած պատերազմներում օգտագործելու համար: Այդպես էլ, տվյալ դեպքում, հավանաբար, կայսրությունը վարվել է Սմբատ Բագրատունու հետ,

նարար, վրիպել է, որից օգտվելով ճարպիկ հակառակորդը հեծնել է նրա վրա ու խեղդել: Վերջապես ահռելի ուժի տեր մենամարտողը կարող է հզոր հարվածով ջարդել արջի նուրբ ճակատակր, դրա հետ նաև ուղեկը (C e b e o c, էջ 160, ծանոթ. 100):

Սերենոսը Սմբատի մենամարտը գազանների հետ հաղորդում է առանց որևէ վերապահության, իսկ Ստ. Մալխասյանցը, անշուշտ ինքը ևս համոզված չլինելով դրանում, անում է էական վերապահություններ, որով և անհամոզիչ ու շատ նախիվ է դարձնում իր մեկնարանությունը:

¹ C e b e o c, էջ 159, ծանոթ. 100:

² Ս. Անեցի, Հաւաքմունք ի գրոց պատմագրաց յազազս գիւտի ժամանակաց անցելոց մինչեւ ի ներկայս ծայրաբաղ արարեալ, Վաղարշապատ, 1893, էջ 76:

³ Մխիթար Անեցի, Պատմութիւն, Պետերբուրգ, 1879, էջ 35:

⁴ Ս. Անեցու ժամանակագրության ներկա հրատարակության մեջ Սմբատի կրկեսային մենամարտը տեղի է ունենում 585 թ. Պարսկաստանում և խոսքովի հրամանով: Հայտնի է, որ 579—590 թթ. կառավարել է Որմիզդը, իսկ խոսքով Բ-ն հաջորդել է նրան: Ուրեմն ոչ տարեթիվն է համապատասխանում ղեկավար և ոչ էլ խոսքովի կառավարումը: Հայկական ՍՍՏ Մատենադարանում պահպանվող Ս. Անեցու ժամանակագրությունն ընդօրինակած գրչագիրների շուրջ երեք տասնյակ ձեռագրերից ամենահնագույնը № 5619 (1176) ձեռագիրն է, որն արտագրվել է գրեթե նույն տարում, երբ Ս. Անեցին ավարտել է իր ժամանակագրությունը (հմտ. Ա. Գ. Արրահամյան, Մատենադարանի ձեռագիր գանձերը, Երևան, 1959, էջ 41): Այդ, ինչպես նաև XII (№ 5596) և XIII—XIII (№ 1897) դարերի մյուս երկու հին ձեռագրերում, բացակայում է Սմբատի կրկեսային մենամարտի նկարագրությունը: Այդ ցույց է տալիս, որ պատմաբանների կողմից մատնացույց արված Ս. Անեցու ժամանակագրության ներկա հրատարակության մեջ եղած կրկեսային գեպի սխալ վկայությունը Ս. Անեցունը չէ, այլ ուշ շրջանի որևէ արտագրողի կողմից կատարված չփոթ հավելում: Այդ նկատել էր ղեռն Մ. Չամչյանը (տե՛ս նրա Պատմութիւն Հայոց, հատ. Բ, էջ 525, ծանոթ.): Պարզվում է, որ Անեցին ևս օգտվելով Սերենոսից, մյուսների նման բաց է թողել Սմբատ Բագրատունու գործունեության բոլոր գանդական շրջանի պատմությունը:

⁵ P. Goubert, Byzance avant l'Islam, t. I, էջ 199:

⁶ Սերենոս, էջ 50—51:

մանավանդ հաշվի առնելով մինչ այդ զինվորական գործում նրա ցույց տված մեծ ծառայությունները:

Միջնադարյան պատմիչներին, ինչպես հայտնի է, հատուկ է առանձին դպրերի գունավարդումը: Բերենք մի օրինակ. պարսից գորավար Վահրամ Չուրինի դեմ խոսքով Բ-ին Մորիկի տված օժանդակ բյուզանդական զորքի արշավանքին մասնակցել են նաև հայ զորավարներից Մուշեղ Մամիկոնյանը, Սասունցի-Խուսեփի իշխանը և Սմբատ Բագրատունին¹, իրար պատմիչ Թաբարին (X դ.) հաղորդում է, որ այդ բյուզանդական զորքի ղեկի էին կանգնել Սերգի անունով մեկը՝ «և մի ուրիշ մարդ, որի ուժը հավասար էր 1000 մարդու ուժի»², որի անունը նա չի տալիս: Արդյո՞ր Սմբատի անվան հետ կապված զրույցը չէ՞, որ իր արտացոլումն է գտել նաև արար պատմիչի երկում:

Սմբատին ներումն շնորհելը չէր նշանակում, թե նա ազատ էր արձակվում և ուղարկվում Հայաստան: Մորիկը սկզբում բոլոր հայ դատապարտվածներին արսորեց մի հեռավոր կղզի, այնուհետև Սմբատին տրիբունի պաշտոնով³ ուղարկեց Աֆրիկա՝ զինվորական ծառայության: Սերբուսը կայսեր այդ հրամանը վերագրում է շարախոսության⁴:

Արդյո՞ր նա Աֆրիկայում աչքի բնկնող գործեր կատարեց, թե՞ շուտով իր մահկանացուն կնքեց բյուզանդական զինվորական ծառայության մեջ: Աղբյուրներն այդ մասին պահպանում են բար լռություն:

Սերբուսը իր պատմության ի՞նչ զլխում անսպասելիորեն ասում է. «Եւ եղև ի ժամանակին յայնմիկ հաճոյանալ Սմբատալ Բագրատունւոյ յաչա խոսքովու արբային. տայ ի նա զմարդպանութիւն երկրին Վրկանայ»⁵: Ո՞վ է այս Վրկանի մարդպանը: Արդյո՞ր նույն Սմբատ Բագրատունին չէ՞: Այդ հարցը պատմադրության մեջ դարձել է առեղծվածային և առաջացրել երկու հակադիր կարծիքներ:

Սեն-Մարտենը⁶, Ղ. Ալիշանը⁷, Մ. Թրմանյանը⁸, Մարկվարտը⁹, Մ. Լեբելյանը¹⁰, Հո. Ջանփուլադյանը¹¹ և այլք, ճիշտ կերպով, բայց առանց աղբյուրների փաստերով հիմնավորելու, նույնացնում են երկու Սմբատներին և սովորաբար անում են այն ենթադրությունը, թե Սմբատ Բագրատունին Աֆրիկա արսորվելիս փախել է Պարսկաստան:

Ճիշտ է, ուշ շրջանի մի քանի պատմիչներ թեև նույնացնում են երկու Սմբատներին, բայց Սմբատ Բագրատունու պատմությունը ներկայացնում են շիտթ ու աղավաղված ձևով: Մխիթար Անեցու պատմության մեջ, որտեղ հեղինակը օգտվել է Սերբուսից, Սմբատ Բագրատունու հետ կապված դպրերը, ժամանակագրական խախտված կարգով, տեղի են ունենում Պարսկաստանում:

¹ Մ. Չամչյան, Պատմութիւն Հայոց, հատ. Ի, էջ 299: Չամչյանն այդ փաստը նշում է, մատնացույց անելով հին ճառերսիրը՝ Բայց սխալմամբ նա այդ դեպքը վերագրում է 589 թ. (Նրախճան պատմութեան Հայոց, Վենետիկ, 1811, էջ 176): Իրականում բյուզանդական զորքի արշավանքը Վահրամ Չուրինի դեմ տեղի է ունեցել 590—591 թթ.: Սարուխանը (Ֆիրդուսի և Մ. Նորենացի, «Հանդես ամսօրյա», Վիեննա, 1935, էջ 12), նրան հետևելով նաև Ա. Ալպոյաճյանը (Պատմութիւն հայ զաղթականութեան, էջ 197) Վահրամ Չուրինի դեմ բյուզանդական բանակի արշավանքին Սմբատ Բագրատունու մասնակցության մասին գրելիս վկայակոչում են Ֆիրդուսի «Շահ-նամե»-ն: Այստեղ սակայն հեղինակը Մուսիլ անունով հիշատակում է միայն Մուշեղ Մամիկոնյանին (Фирдоуси, Шах-Наме, Москва, 1957, էջք 788, 827, 828, 839), Սմբատ Բագրատունու մասին ոչ մի խոսք չկա:

² «Ученые записки Института востоковедения», т. XVI, М.-Л., 1958, էջ 462:

³ Տրիբուն (հունարեն tribounos բառից) նշանակում է լեգեոնի հրամանատար (Себеос, История, էջ 160, ծանոթ. 101):

⁴ Սերբուս, էջ 58:

⁵ Նույն տեղում, էջ 61:

⁶ Memoires historiques et géographiques sur l'Arménie, t. I, էջ 332—333 հմմտ. Zebean, Histoire du Bas-Empire, t. X, Paris, 1829, էջ 384, Սեն-Մարտենի ծանոթ. 5:

⁷ «Այրարատ», Վենետիկ, 1890, էջ 49:

⁸ «Աղղապատում», Կ. Պոլիս, 1912, էջ 585:

⁹ «Հայ Բագրատունյաց ճյուղադրությունը», էջ 3:

¹⁰ «Հայոց հին դրականության պատմություն», հատ. II, էջ 293:

¹¹ «Նորոգված Շուսի Մանվելի որդի Սմբատ Բագրատունին է», էջ 49—51:

նում և նրան ենթակա երկրներում, րստ որում, դազանների հետ Սմբատի մենամարտն էլ, ինչպես ասացինք, տեղի է ունենում Պարսկաստանում և խոսքովի հրամանով, որը նրան այնուհետև ուղարկում է Աֆրիկա որպես զորքի տրիրուն: Հստ Մխիթար Անեցու, ահա այս Սմբատն էր, որ «մեռաւ ի Տիգրոն, բարոք քաղաքավարութեամբ և բերեալ եղաւ ի Դարունս, ի Կող գաւառի»¹:

Գրեթե նույն աղավաղված ձևով է պատկերված Սմբատ Բագրատունու գործունեությունը նաև Հայսմավուրքի մեջ (հոկտ. 26),

Սիմեոն Ապարանցին 1590 թ. գրած իր շափածո վիպասանության մեջ ասում է, որ երբ Սմբատ Բագրատունին Մորիկ կայսեր հրամանով նավ է նստում Աֆրիկա գնալու համար, ճանապարհին հաջողությամբ հասնում է իր հայրենիքը և խոսքովից կարգվում Վրկանի մարզպան²:

Սիմեոն Ապարանցին շնայած չի տալիս Սերեոսի անունը, բայց այդ ժամանակի զեպերը նկարագրել է նրա պատմության հիման վրա³: Բայց Սերեոսի ներկա պատմության մեջ, ինչպես ասացինք, Աֆրիկայի ճանապարհից Սմբատի փախուստի մասին վկայություն չկա: Մինչդեռ հայ պատմիչներից միայն Սերեոսն է, որ տեղեկություններ է հաղորդում նրա կյանքի թե՛ բյուզանդական և թե՛ պարսկական շրջանների մասին: Մյուս պատմիչները (Հովհաննես Դրասխանակերտցի, Ստեփանոս Սյունեցի, Ասողիկ և այլք), անգամ նրանք, որոնք օգտվել են Սերեոսից, համառոտակի խոսում են միայն Սմբատի գործունեության պարսկական շրջանի մասին:

Շատ պատմաբաններ և բանասերներ շեն ընդունում երկու Սմբատների նույնությունը:

Ք. Պատկանյանի կարծիքով դրանք տարբեր անձնավորություններ էին, որովհետև մեկի տիրությունները գտնվում էին բյուզանդական իշխանության տակ, մինչդեռ մյուսը մշտապես խոսով Բ-ի ժառանգության մեջ էր⁴:

Ստ. Մալխասյանցը գտնում է, որ Աֆրիկա արսորված Սմբատին հայ պատմիչները հիշատակում են «բազմահաղթ» մականունով, իսկ Վրկանի մարզպանին՝ խոսքով-Շում պատվավոր տիրողով⁵: Նշենք, որ աղբյուրներում Սմբատի «բազմահաղթ» մականվան մասին չի խոսվում:

Ն. Ակինյանը⁶, իսկ նրան հետևելով նաև Լեոն⁷, երկու Սմբատներին համարում են տարբեր անձնավորություններ, հիմք ընդունելով «Գիրք թղթոց»-ի մեջ եղած 607 թ. Դվինի կաթողիկոսական բնտրության ժողովի եպիսկոպոսների պաշտոնական գրությունը⁸: Այս գրության վերջում հիշատակված «իւր եղբարաւք հանդերձ» բառերից⁹, ինչպես նկատում է. Ն. Ակինյանը, պետք է հետևենք, որ Վրկանի մարզպան Սմբատ Բագրատունին, Գիդ Դաշտակարանը և Վրթանես Քերթոլ Ծարսաղարը եղբայրներ են¹⁰:

«Գիրք թղթոց»-ից հայտնի է, որ Վրթանես Ծարսաղարը¹¹ Քչիկի որդին է¹², նշանակում է չիկը նաև Վրկանի մարզպան Սմբատի հայրն է¹³: Մինչդեռ Սերեոսից գիտենք, որ Արեմտյան

¹ Մ խ ի թ ա ր Ա ն ե ց ի, Պատմութիւն, Պետերբուրգ, 1879, էջ 33—35:

² Սիմեոն Ապարանցի, Վիպասանութիւն սակս Պահլաւունեացն դարմի եւ Մամիկոնեացն սեոի, Վաղարշապատ, 1870, էջ 95:

³ Հ. Ա ճ ա ո յ ա ն, Հայոց անձնանունների բառարան, հատ. Դ, էջ 513—514:

⁴ Себеос, История императора Иракла, էջ 199, ծանոթ. 137, Մ խ ի թ ա ր Ա ն ե ց ի, էջ 35, ծանոթ. 2, հմմտ. E. Stein, Studien zur geschichte des byzantinischen Reiches, էջ 129:

⁵ Себеос, История, էջ 161, ծանոթ. 105:

⁶ «Վրթանէս վարդապետ Քերդոդ եւ իւր երկասիրութիւնները» («Հանդես ամսօրյա», հունվար, 1910), էջ 8:

⁷ «Հայոց պատմություն», հատ. Բ, էջ 229:

⁸ «Գիրք թղթոց», Թիֆլիս, 1901, էջ 149—150:

⁹ Այս գրությունը ամբողջությամբ իր պատմության մեջ ընդօրինակել է Ուխտանեսը (հատ. Բ, էջ 57—59): Ուխտանեսը, որն ընդարձակ կերպով օգտվել է «Գիրք թղթոց»-ից, մանրամասն խոսում է Վրթանես Քերթոդի մասին, առանց հիշատակելու «Քրչկանորդի» անունը:

¹⁰ «Վրթանէս վարդապետ Քերդոդ եւ իւր երկասիրութիւնները», էջ 8:

¹¹ Վրթանեսի այս մականվան մեկնարանություն մասին տե՛ս Ղ. Ա լ ի շ ա ն, Հայապատում, էջ 219, ծանոթ. 3. Ն. Ա կ ի ն յ ա ն, Վրթանէս վարդապետ Քերդոդ եւ իւր երկասիրութիւնները, էջ 9, ծանոթ. 1:

¹² «Գիրք թղթոց», էջ 90, 109:

¹³ Ն. Ա կ ի ն յ ա ն, Կիւրիոն կաթողիկոս Վրաց, էջ 297:

Հայաստանում նախարարների ապստամբությունն նախապատրաստող Մմբատ Բագրատունին Մանվելի որդին էր՝ Այստեղից ն. Ակինյանը եզրակացնում է, որ գրանք եղել են տարբեր անձնավորություններ¹։

Ի՞նչ իմաստով են եպիսկոպոսների գրության մեջ օգտագործված «իւր Եղբարաւր հանդերձ» բառերը, Քչիկը արդյոք ա՞յլ անձնավորության անուն էր, թե՞ Մանվելի մականունն էր՝ Այդ կարևոր հարցը, զժբախտարար, պարզել հնարավոր չէ՝ այլ աղբյուրներում վկայություններ չլինելու պատճառով²։ Սակայն ն. Ակինյանի հետևությունը համոզիչ չէ։ Նրա մեկնաբանության դեմ կարող է լուրջ կովան հանդիսանալ Սերեոսի և Ուստանեսի մի կարևոր վկայությունը, որը վրիպել է պատմաբանների ու բանասերների ուշադրությունից։ Կոստանդնուպոլսի կրկեսում Մմբատ Բագրատունու մենամարտը նկարագրելուց առաջ, Սերեոսը նրա անձնավորության մասին հաղորդում է հետևյալը. «Եւ էր սա այր անհեղեղ անձամբ և գեղեցիկ տեսեամբ, և բարձր և լայն հասակաւ, և բուռն և ցամաք մարմնով։ Յայնժամ հզար և պատերազմող, որ ի լազուս պատերազմունս զուցեալ էր զիւր քաջութիւնն և զբոնութիւնս»³։

Ո՞րտեղ և ի՞նչ բազմաթիվ պատերազմների կարող էր Մմբատը մասնակցած լինել մինչ կրկեսում զազանների առաջ նետվելու։ Նույն հավաստի աղբյուրներից մեզ հայտնի է, որ Սրմբատը գտնվում էր բյուզանդական տիրապետության տակ հղած Արևմտյան Հայաստանում, և Մուրիկը նրան, որպես զորավարի, հրամայել էր հայ հեծյալ գնդով, Խաղտիքի վրայով մեկնել Թրակիա՝ ավարների դեմ պատերազմելու համար։ Թրակիան գտնվում էր Բյուզանդիայում։ Նախապատրաստվելով ապստամբության, ինչպես գիտենք, Մմբատն ու մյուս նախարարներն ասում էին, որ իրենք այլևս չեն ուզում մեռնել Թրակիայի կողմերում։

Ուստանեսը, որը օգտվել է Սերեոսի պատմությունից, Վրկանի մարզպան Մմբատ Բագրատունու անձնավորության մասին հաղորդում է հետևյալը. «Արդ, էր սա այր քաջ ի պատերազմունս, արի և առաքինի, հզօր և զորաւոր յամենայնի յամենայն ուրերս։ Նա է ի մերազնի և ի մերոց թագաւորացս, և ազգաւ Բագրատունի, և սիրելի մեր՝ որպէս բնիկ և մերոց թագաւորաց արեանաւու և հաւաստի հարազատ, որ լեալ Մարզպան Վրկան իշխանությանն ի հրամանէ Ապրուէլ-Խոսրովու արքայից արքային Պարսից, յաշխարհակալութեանն Մուրկայ Յունաց թագաւորի, որ յազում պատերազմունս վանեալ և վառնեալ ի Հայս, ի Յոյնս և ի Պարսիկս՝ որպէս ուսուցանէ քեզ պատմութիւնն Հերակղիս»⁴։

Մմբատը, ինչպես վերևում ասացինք, Հայաստանում մասնակցել էր 572—590 թթ. պարսկա-բյուզանդական պատերազմին, քանի որ գտնվում էր Արևմտյան Հայաստանում, անշուշտ՝ կայսրության կողմից։ Նա մասնակցել էր նաև այն պատերազմներին, որոնք մղվել էին Թրակիայում, այսինքն՝ Բյուզանդիայում։ Մմբատի՝ Պարսկաստանում մզած պատերազմները մանբաման հայտնի են մեզ՝ Այն հաջորդականությունը (ե՛ր Հայս, ի Յոյնս և ի Պարսիկս), որ տալիս է Ուստանեսը ևս համապատասխանում է տվյալ պատմական գետքերի ժամանակագրական կարգին, այն է՝ Մմբատը սկզբում մասնակցել է Հայաստանում մղված պատերազմին, ապա՝ Բյուզանդիայում, իսկ վերջում՝ Պարսկաստանում։ Այդպիսով նա որոշակի է դարձնում Սերեոսի վկայությունը։ Այնուհետև մի կարևոր հանգամանք ևս. Ուստանեսը, խոսելով Վրկանի մարզպան Մմբատի մասին, անգամ բառացի ընդօրինակել է այն մի շարք բառերը («որ բազում պատերազմունս»), որ Սերեոսն է գործածել («որ ի բազում պատերազմունս») Մմբատ Բագրատունու կյանքի բյուզանդական շրջանի մասին խոսելիս։ Պատմիչը դրանով ևս ցույց է տալիս,

¹ Երբ համար էլ ն. Ակինյանը իր «Կիրիթոն կաթողիկոս Վրաց» աշխատության մեջ հանդամանորեն խոսելով Մմբատ Բագրատունու կյանքի պարսկական շրջանի մասին, ոչ մի խոսք չի ասում նրա բյուզանդական շրջանի գործերի մասին։

² Ակադ. Ն. Սճառյանը իր «Հայոց անձնանունների բառարանի» Ե հատորում (ձեռագիր) Քչիկի մասին սոսկ գրում է. «Քչիկ, հայր Վրթանես քերթողի։—սեռ. Քչկան՝ դիրք թղ. իա, իղ»։

³ Սերեոս, էջ 56 (ընդգծումը մերն է—Վ. Ի.)։

⁴ Նույն տեղում (ընդգծումը մերն է—Վ. Ի.)։ Անհրաժեշտ ենք համարում նշել, որ Սերեոսի ներկա պատմության մեջ Մմբատի «Ի Հայս, ի Յոյնս» մզած բազում պատերազմների մասին չի խոսվում։ Գ. Արդարյանը վերջերս հրատարակած իր ուշադրավ հոդվածում աղբյուրների ուսումնասիրության հիման վրա հանգել է այն եզրակացության, որ այժմ հրապարակի վրա գտնվող և Սերեոսին վերագրված պատմությունը ոչ թե Սերեոսի «Պատմութիւն ի Հերակլին» է, այլ Հովսիսմեի տաճարի միաբան Խոսրովիկի գործը (տե՛ս «Բանբեր Մատենադարանի», № 4, Երևան, 1958, էջ 61—72)։

որ բազում պատերազմներ մղած Վրկանի մարզպան Սմբատը մինչ այդ Բյուզանդիայում եղած Սմբատ Բագրատունին է՝:

Այս բոլորից հետո պատմական իրողության ուժ է ստանում նաև Մխիթար Անեցու, Հայամա-վուրթի և Սիմեոն Ապարանցու այն վկայությունը, թե կրկնում զազանների հետ մենամարտողը այն Սմբատ Բագրատունին էր, որ հետո Պարսկաստանում դարձավ Վրկանի մարզպան և մահացավ Տիգրանում:

Սմբատ Բագրատունու մասնակցությունը Վահրամ Զուբինի դեմ կազմակերպված բյուզանդական բանակի արշավանքին հիմք է առնում ենթադրելու, որ նա ոչ թե փախել է Աֆրիկայից, այլ կայսեր համաձայնությամբ է անցել պարսկական ծառայության մեջ: Հայտնի է, որ խորովի՝ գահի վրա վերահաստատվելուց հետո նրա մոտ թողնվում է բյուզանդական փոքրաթիվ զորք:

Այնուամենայնիվ տվյալ հարցին վերջնական դժացուցիչ պատասխանը կտրվի հետագայում նոր աղբյուր, նոր նյութեր հայտնաբերելուց հետո:

Սմբատ Բագրատունին, մտնելով պարսկական ծառայության մեջ, ամենայն հավանականությամբ, սկզբում դառնում է Հայաստանի մարզպան³, այդ պաշտոնը վարելով 593—600/1 թթ.Ն, Դրանով էլ ավարտվում է նրա գործունեության բյուզանդական շրջանի պատմությունը:

СТРАНИЦА ИЗ ИСТОРИИ АРМЯНО-ВИЗАНТИЙСКИХ ОТНОШЕНИЙ

В. К. ИСКАНЯН

(Р е з ю м е)

Статья посвящена исследованию истории восстания армянского конного полка и нахарарства Западной Армении против византийского владычества. Это нахарарское движение, происходившее при правлении императора Маврикия (582—602), было направлено против усиливавшегося византийского гнета (военного, податного и церковного). Нахарары преследовали цель покончить с коварной политикой Византийской империи, систематически перебрасывавшей их воинские силы на Балканы, что являлось причиной огромных людских потерь в войнах против аваров и славян. Некоторые из нахараров пришли к убеждению, что для избавления от чужеземного гнета необходимо свергнуть византийское господство и восстановить в Армении собственную королевскую власть.

¹ Պարսկաստանում Սմբատը նշանակվում է Վրկանի մարզպան, խոշոր հաղթանակներ է ձեռք բերում Պոսրով Բ-ի թշնամիների դեմ, որի համար նրանից ստանում է Պոսրով-Շում պատվավոր տիտղոսը և դառնում է նրա թագավորության երրորդ նախարարը: Սմբատ Բագրատունին իր կյանքի վերջին տարիներին, թողնելով սխրանքներով լի գինավորական ասպարեզը, գրադվում է հայոց եկեղեցական գործերի կարգավորմամբ:

² Սմբատ Բագրատունին «Վախճանի ի բարևոք ծերութեան ի Տիգրոն քաղաքի» («Յովհաննու կաթողիկոսի Իրասխանակերտեցոյ Պատմութիւն Հայոց», Թիֆլիս, 1912, էջ 73), Պոսրով Բ-ի թագավորության 28-րդ տարում (617, Սերևոս, էջ 61) հավանաբար շուրջ 75 տարեկան հասակում: Այդ հիմք բնորոշելով կարող ենք ասել, որ նա Հայաստանում մզկիդ պարսկա-բյուզանդական պատերազմական գործողություններին մասնակցել է մոտ 30 տարեկան հասակից, իսկ երբ նախարարների ազատամրություն է նախապատրաստել, արդեն եղել է 50-ին մոտ մարդ:

³ И. Орбели, Багаванская надпись 639 года („Христианский Восток“, т. II, вып. 1, СПб. 1913), էջ 135:

⁴ Մ. Չամչյան, Պրախճան պատմության հայոց, Վենետիկ, 1811, էջ 176: Сс. Сеоос, История, СПб, 1862, примеч. К. Патканяна, էջ 201:

Ряд историков (М. Орманиян, А. Алпояджян, Р. Джанполадян и др.) эти исторические события ошибочно относил к 595-му году, тогда как они, по данным исторических источников, относятся к 590-му году. Эти же исследователи находили, что нахарарское восстание, возглавлявшееся Смбатом Багратуни, имело место, но было подавлено. В действительности же оно было лишь подготовлено, но не начато в результате феодальных междоусобиц.

Смбат Багратуни был знаменитым полководцем и политическим деятелем своего времени.

На основании тщательного изучения существующих источников (Себеос, Ухтанес, Мхитар Аннийский, Айсмавурк, Симеон Апаранский) в статье доказывається также, что организатор армянского нахарарского восстания Смбат Багратуни и находившийся впоследствии на службе у персов марзпан Вркана Хосров-Шум являются одним и тем же лицом.